



اوندغ ۲ دفرکاس، اومه ترقلهارا خطبة خاص

(۲۹ سیتتیمبر ۲۰۱۷م / ۸ محرم ۱۴۳۹هـ)

إِنَّ الْحَمْدَ لِلَّهِ، نَحْمَدُهُ وَنَسْتَعِينُهُ وَنَسْتَغْفِرُهُ وَنَتُوبُ إِلَيْهِ، وَنَعُوذُ بِاللَّهِ مِنْ شُرُورِ أَنْفُسِنَا
وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَهُوَ الْمُهْتَدِ وَمَنْ يُضِلِّ فَلَنْ تَجِدَ لَهُ وَلِيًّا مُرْشِدًا.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ، اللَّهُمَّ
صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ
تَفْلِحُونَ.

قَالَ تَعَالَى: أَعُوذُ بِاللَّهِ مِنَ الشَّيْطَانِ الرَّجِيمِ

يَأَيُّهَا الَّذِينَ ءَامَنُوا كُونُوا قَوَّامِينَ بِالْقِسْطِ شُهَدَاءَ لِلَّهِ وَلَوْ عَلَى أَنْفُسِكُمْ أَوِ الْوَالِدِينَ
وَالْأَقْرَبِينَ إِنْ يَكُنْ غَنِيًّا أَوْ فَقِيرًا فَاللَّهُ أَوْلَىٰ بِهِمَا فَلَا تَتَّبِعُوا الْهَوَىَٰ أَنْ تَعْدِلُوا وَإِنْ
تَلَوْا أَوْ تَعْرَضُوا فَإِنَّ اللَّهَ كَانَ بِمَا تَعْمَلُونَ خَبِيرًا ﴿١٣٥﴾

سیدغ جماعه یغ درحمتی الله،

ماريله کیت ممقرتیغکنکن کایمانن دان کتقوان کهد الله سبحانه وتعالی، لقساناکن
سکالا یغ دفرینتمکن دان تیغکلکن سکالا تکهن. موده-مودهن، کیت ترکولوغ دالم کالغن
همبا الله سبحانه وتعالی یغ دلیمفهی رحمة دان مغفرة سرتا بهاکیا ددنیا هیغک أخیره.

قد هاري یغ فنوه برکة این، ماريله کیت سام ۲ مځیاتی خطبة یغ برتاجوق :
 ”اوندغ ۲ دفرکاس، اومه ترقلهارا“.

سیدغ جماعه یغ برهاکیا،

کامانن دان کهرمونین سسبواه نکارا ترلق قد کاوتوهن دان کدولتن اوندغ ۲. باکی
 سبواه نکارا اسلام یغ مردیک سقرتی ملیسیا، اوندغ ۲ یغ تله دبتوق برأسسکن فرلمباکان
 فرسکوتوان یغ مرغکومی اسٹیک جنایه سیویل دان جنایه شریعة. اینیله کاونیکن نکارا یغ
 کیت چینتائی این. سیستم فرأوندغن این ساعت مراعیکن کھلباکان اکام، قوم دان بغسا.
 رامای دري کالغن ورکانکارا کیت یغ ماسیه لاکي کورغ مهمي باکایمان فوغسی
 دان قرانن سیستم فرأوندغن نکارا. حال این برکوغکینن کران سیکف تیدق امبیل قدولي
 دغن حال احوال سماس نکارا. ریالیتین هاری این، کیت لیه مځمبیل تاهو ایسو ۲ ریمیه
 سهیغک کورغ مځمبیل تاهو حال ۲ برکاءتن فرأوندغن نکارا.

قارا تاملو الله یغ دمویاکن،

قد تغکل 21 اوکوس 2017، سیدغ فرلیمین تله ملولوسکن رخ اوندغ ۲ باکی ممیندا
 اکنا ممباروئی اوندغ ۲ (فرکھوینن دان فرچراین) 1976 [اکنا 164]. فستین رامای دري
 کالغن کیت یغ کورغ فهم مځنئی لاتر بلاکغ اکنا 164 ترسبوت. اکنا 164 یغ دلولوسکن
 قد تاهون 1976 دان برکوات کواس قد بولن میچ 1982 سچارا عمومش هاپاله ترفاکای
 کھد اورغ بوکن اسلام یغ برکھوینن دباوه اوندغ ۲ سیویل یغ دقربوات اولیه فرلیمین. اکنا این
 تیدق سام سکالی ترفاکای کھد اورغ ۲ اسلام یغ برکھوینن دباوه اوندغ ۲ کلوارک اسلام دان
 ترایکت کھد حکوم شرع. جوسترو، افاکه کاءیتتن فیندائن ترسبوت کھد اورغ اسلام؟

میمبر مځاجق سیدغ جماعه سکالین سوفاي ملیهت سچارا مندالم لاکي مصلحة یغ
 داغ دغن فیندائن اکنا ترسبوت. توجوان فیندائن اکنا 164 این اداله سمات-مات اونتوق
 مځاتسی ایسو قمبرن فرکھوینن سیویل ساودارا بارو کیت یغ تله برلنجوتن سچق سکین

لاما دان اي تباد کما مغنا دغن فرکهوينن اورغ اسلام يغ ددفترکن دباوه اوندغ ۲ کلوارک اسلام.

سبلوم فيندان اين، اکنا 164 تيدق ممبريکن حق دان رواغ گهد ساودارا بارو کيت اونتوق ممفائلکن فيتيشن (petisyen) فمبورن فرکهوينن مريک دمحمکه سيويل دان حق ايت هان دبريکن گهد بکس فاسغن يغ تيدق براکام اسلام سهاج. اوليه ايت، سلاکي مان بکس فاسغن يغ تيدق براکام اسلام ايت تيدق ممفائلکن فيتيشن فرچراين مريک دمحمکه سيويل، فرکهوينن سيويل فاسغن ايت ماسيه داغکف صح دان برتروسن دباوه اکنا 164. کادان اين تيدق منفتي حکوم شرع دان تله مپيکن کتيدق-عاديلن گهد فاسغن يغ تله مملوق اکام اسلام ترسبوت. سباکي چوتوه، سلاکي مان بکس استري يغ تيدق براکام اسلام تيدق ممفائلکن فيتيشن فمبورن فرکهوينن دمحمکه سيويل، فرکهوينن ايت تش داغکف صح دان برکوات کواس دباوه اوندغ ۲ سيويل دان عقبتن سوامي يغ تله مملوق اکام اسلام ايت برکواجيشن اونتوق تروس ممباير نفقه گهد بکس استرين يغ تيدق براکام اسلام ايت سهيغکاله دي منيغکل دنيا اتاو برکهوين سمولا.

ممندغکن سوامي اتاو استري يغ مملوق اکام اسلام تيدق ممفوايي حق اونتوق ممبرکن فرکهوينن مريک دباوه اکنا 164 يغ سد يا اد، مک دي جوک تيدق ممفوايي حق اونتوق ممهون relief سمغيغن يغ لاین سغرتي نفقه، حق جاگان انق دان فمباکين اسيت فرکهوينن دمحمکه سيويل. اوليه ايت، سهاکين مريک تله فرکي کمحمکه شريعة اونتوق ممبرکن فرکهوينن سيويل مريک دان ممهون relief سمغيغن يغ برکايتن.

باکي بکس فاسغن يغ تيدق براکام اسلام قولاً، مريک اکن فرکي کمحمکه سيويل اونتوق ممبوات توتوتن يغ سام کران مريک ترهالغ دباوه فرلمباگان اونتوق منجادي فيهق دمحمکه شريعة. اقابلا کادان اين برلاکو، مک وجودله کونفليک اوندغ ۲ انتارا محکمه سيويل دغن محکمه شريعة. رياليتين، کونفليک اين تله برلاروتن سجع سکين لاما دان سوده تيبا ماسان ساتو ميکانيسمي کوغکريت دچادغکن اونتوق مپلسايکن فرکارا اين.

سباکاي جانن فيلساين، کراجان برفنداغن اکنا 164 فرلو دفيندا. الحمد لله منوسي فيندان يغ دلوسکن اوليه فرليمين بارو ۲ اين، ساودارا بارو کيت سلفس اين اکن ممفوياعي حق يغ سام دغن بکس فاسغن بوکن اسلام، اونتوق ممفوييلکن فيتيشن قمبورن فرکوينن سيويل مريک دباوه اکنا 164 دان بويه ممهون relief سمفيغن لايين دباوه اکنا يغ سام. فيندان اين اداله سلارس دغن کفوتوسن محکمه ترتيغکي نکارا اين يغ مموتوسکن بهاوا سما فرکوينن يغ ددفترکن دباوه اکنا 164 هندقله دبورکن مغيکوت فروتوقن اکنا يغ سام.

منوسي فيندان اين جوک اداله دهارکن اکن داقت مغاتسي ايسو فرتینديهن بيدغ کواس اثارا محکمه سيويل دغن محکمه شريعة يغ تله برنجوتن سبج سکين لاما دسمفيغ منجاک کمصاحتن ساودارا بارو کيت يغ تله مملوق اکام اسلام. حقيقتش، شريعة مغانغ جالينن فرناکن داتارا اورغ اسلام دغن بوکن اسلام. ليهته فرمان الله سبحانه وتعالى يغ منکسکن فریحال ترسبوت سباکايان ددالم سورة الممتحنة اية 10:

يَأَيُّهَا الَّذِينَ ءَامَنُوا إِذَا جَاءَكُمْ الْمُؤْمِنَاتُ مَهْجِرَاتٍ فَاَمْتَحِنُوهُنَّ ۗ اللَّهُ أَعْلَمُ بِإِيمَانِهِنَّ فَإِنْ عَلِمْتُمُوهُنَّ مُؤْمِنَاتٍ فَلَا تَرْجِعُوهُنَّ إِلَى الْكُفَّارِ لَا هُنَّ حَلٌّ لَهُمْ وَلَا هُمْ يَحِلُّونَ لَهُنَّ ...

برمقصود: ”واهاي اورغ ۲ يغ براييمان! اقابلا اورغ ۲ فرمقوان يغ مفاكو براييمان داتغ برهجرة كهد كامو، مك اوجيله (ايمان) مريک: الله لبيه مغانهوي اکن ايمان مريک، دغن يغ دمکين، سکيران کامو مغانهوي بهاوا مريک براييمان، مک جاغنه كامو مغانليکن مريک كهد اورغ ۲ يغ کافير. مريک تيدق حلال باکي اورغ ۲ کافير ايت (سباکاي استري)، دان اورغ ۲ کافير ايت قولاً تيدق حلال باکي مريک (سباکاي سوامي)...“

قارا تانوالله يغ درحمتي،

ککلیروان دان ککوسرن تله مولا منولر سجع کالي فرتام رخ اوندغ ۲ این دباوا کسیدغ دیوان رعیت. فونچان اقابلا سیکشن 88A ددالم رخ اوندغ ۲ ترسبوت یغ مپنتوه مغانی فنوکران اکام اتق هان بولیه دبوات دغن فرستوجوان کدوا-دوا ایبودان باف. فرکارا ترسبوت برچغکه دغن حکوم شرع سباکایمان یغ دقوتوسکن دالم مذاکره جاوتنکواس فتوی مجلس کبغسان حال احوال اکام اسلام ک-87، قد جون 2009 ”بهاوا اقابلا ساله ساورغ فاسغن ایو اتا و باف یغ مملوق اسلام، ستاتوس اکام اتق ۲ دباوه عمور اداله اسلام دان ای دتریم دالم نکارا.“

مغمبیل کیرا فندغن مفتی ۲ کراچان نکری یغ برمشوارت قد 17 جولای 2017 یغ داوروستیاکن اولیه JAKIM، مک کراچان تله مگکورکن سیکشن 88A درقد رخ اوندغ ۲ ترسبوت دان فیندان اکنا 164 دبتغکن سمولا دان دلوسکن اولیه فرلیمین بارو ۲ این. جوسترو، سباکای ورکانکارا یغ بیجق، ماریله کیت سام ۲ مغمملکن بودایا قمیکرن یغ ماتغ. سنتیاساله منچاری کبزن مغانی سسواتو ایسو سلوم کیت ممبوات سبارغ کومینتر ۲ دمیدیا سوسیال. بیجقله منیلائی سسواتو ایسو تنقا ترغغاروه دغن فروووکاسی یغ ملولو درقد سستغه فیهق یغ تیدق برتغکوغجواب.

قارا تاموالله یغ دمویاکن،

مغأخیری خطبة، ببرا ف کسیمثولن یغ داقت دامبیل درقد خطبة هاری این

انتاران:

فرتام: کدولتن اوندغ ۲ اداله فمغکین کامانن دان کهرمونین سسبواه نکارا.

کدوا: اکنا 164 دفیندا برتوجوان ممستیکن فاسغن یغ ساله ساورغن مملوق اسلام

منداقت فمبیلان دان حق یغ سلایقش تنقا منظالیمی مان ۲ فیهق.

کینک: سموا فیهق هندقله ممبریکن سوکوغن دان کفرچایان کهد فمیمین ترتیغکی

نکارا دان فیهق برکواس خصوصن دالم مگکوبل اوندغ ۲ دان مغواتکواساکن.

فرمان الله سبحانه وتعالی ددالم سورة النساء ایه 58:

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا وَإِذَا حَكَمْتُمْ بَيْنَ النَّاسِ أَنْ تَحْكُمُوا

بِالْعَدْلِ إِنَّ اللَّهَ نِعِمَّا يَعِظُكُمْ بِهِ إِنَّ اللَّهَ كَانَ سَمِيعًا بَصِيرًا ﴿٥٨﴾

برمقصد : ”سسوغكوهن الله مپوروه كامو سوقاي مپرهكن سكالاجنيس امانه كهد اهليش (يع برحق منريمان)، دان اقابيللا كامو منجالنكن حكوم داتارا مانسي، (الله مپوروه) كامو مئحكوم دغن عاديل. سسوغكوهن الله دغن (سوروهن) ايت ممبري قئاجرن يع سبايق-بايقن كهد كامو. سسوغكوهن الله سنتياس مندغر، لآكي سنتياس مليهت.“

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

خطبة كدوا

الْحَمْدُ لِلَّهِ وَبِی الصَّالِحِينَ، وَالْعَاقِبَةُ لِلْمُتَّقِينَ، وَلَا عُدْوَانَ إِلَّا عَلَى الظَّالِمِينَ، وَالصَّلَاةُ
وَالسَّلَامُ عَلَى إِمَامِ الْمُرْسَلِينَ، وَقُدُوةِ النَّاسِ أَجْمَعِينَ، وَعَلَى آلِهِ وَأَصْحَابِهِ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، الْمَلِكُ الْحَقُّ الْمُبِينُ، وَأَشْهَدُ أَنَّ سَيِّدَنَا
مُحَمَّدًا عَبْدُهُ وَرَسُولُهُ، صَادِقُ الْوَعْدِ الْأَمِينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَكُونُوا مَعَ الصَّادِقِينَ، وَحَافِظُوا عَلَى الطَّاعَةِ وَحُضُورِ
الْجُمُعَةِ وَالْجَمَاعَةِ مَعَ الْمُصَلِّينَ.

ميمبر مپرو آكر قارا جماعه مڭهولوركن صدقه جارية كهد تابوڭ ۲ يڭ دسدياكن باكي
توجوان ملقساناكن اكنيويتي ۲ قئعمارهن رومه الله سبحان وتعالى اين. سموك صدقه كيت
ايت دهيتوڭ اوليه الله سباكي سبهاكين صدقه جارية يڭ قرنه كيت لاكوكن سماس حياة.
وَاعْلَمُوا أَنَّ اللَّهَ سُبْحَانَهُ وَتَعَالَى أَمْرُهُ بِأَمْرِ بَدَأَ فِيهِ بِنَفْسِهِ وَتَنَّى بِمَلَائِكَتِهِ الْمُقَرَّبِينَ.
فَقَالَ اللَّهُ تَعَالَى مُخْبِرًا وَأَمْرًا بِالْمُؤْمِنِينَ :

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

٥٦

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى
آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مُجِيدٌ.

وَارْضَ اللَّهُمَّ عَنِ الْأَرْبَعَةِ الْخُلَفَاءِ الرَّاشِدِينَ سَادَاتِنَا أَبِي بَكْرٍ وَعُمَرَ وَعُثْمَانَ وَعَلِيَّ،
وَعَنْ أَزْوَاجِ نَبِيِّنَا الْمُطَهَّرَاتِ وَعَنْ أَهْلِ بَيْتِهِ وَقَرَابَتِهِ وَسَائِرِ الصَّحَابَةِ وَالتَّابِعِينَ وَمَنْ
تَبِعَهُمْ بِإِحْسَانٍ إِلَى يَوْمِ الدِّينِ. وَارْضَ عَنَّا بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.

وَأَيِّدِ اللَّهُمَّ بِالتَّوْفِيقِ وَالْهُدَايَةِ مُدِيرَ هَذِهِ الْبِلَادِ الْإِسْلَامِيَّةِ مَلِكَنَا كِبَاوَه دُولِي يَغْمَهَا

موليا سري فدوك بكنيدا يغ دفتوان انوخ ك-15 سلطان محمد ك-5.

اللَّهُمَّ أَطْلِ عُمُرَهُ مُصْلِحًا لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُ لِطَرِيقِ الْهُدَى
وَالرِّشَادِ. اللَّهُمَّ اجْعَلْ مَالِيزِيَا وَسَائِرَ بِلَادِ الْمُسْلِمِينَ طَيِّبَةً آمِنَةً مُطْمَئِنَّةً رَخِيَّةً، يَا
رُؤُوفُ بِالْعِبَادِ.

اللَّهُمَّ أَعِزِّ الْإِسْلَامَ وَالْمُسْلِمِينَ فِي كُلِّ مَكَانٍ وَحِينٍ، وَانصُرْ مَنْ نَصَرَ الدِّينَ، وَاخْذُلْ
مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ، وَدَمِّرْ أَعْدَاءَكَ أَعْدَاءَ الدِّينِ.

يا الله، اغكاوله توهن يغ مها قوموره دان مها قپايغ، كامبي برشكور داتس سكاللا نعمت دان
رحمة يغ اغكاو كورنياكن، بريله هدايه دان فتونجوق كهذ كامبي دان قميمئين ۲كامبي،
كوكوهكنله فرقادوان انتارا كامبي، ساتوكنله هاتي ۲كامبي داتس جالنمو، فرمودهكنله
سكاللا اوروسن كامبي، تمبهكنله كامبي دغن علمويغ برمنفعة، سوبوركنله جيوا كامبي دغن
اخلاق يغ موليا، قيمقينله كامبي كجالن يغ اغكاو ريضائي، تكوهكنله ايمان كامبي دالم
منمقوهي سكاللا ميهنه دان اوجينمو، ككالكنله كامان، كسلامتن دان كسجهتراءن نكارا
كامبي مليسيا سرتا نكري كامبي خصوصن ولايه فرسكوتوان. جاء وهكن كامبي دري سبارغ
فرقولقكن، فرقيهن دان هورو-هارا.

رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً إِنَّكَ أَنْتَ الْوَهَّابُ. رَبَّنَا
آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ،

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.